

TE VEA NO TAHITI.

Te taata 'toa, e ere te Tavana e te haava, o tei hanaaro i te hoe hohoa o tei enei nea, auau mai ia e 3 farane no na avie etoru.

Faanu mai ia Tepito te nei parau i Papeete.

Ei haaparare raa i te parau rii api e faufaa hia i te mau fenua i roto i te Han Tamaro; e neia i te mau mahana maha loa.

O te feia hoo tava, e te mau taata e haapao i te tau faa taata, e faa i te nenei atoa hia ia faa i te mau pa- eni faaite i tei enei faa, ia auau mai ia e 3 farane ho te reti hoe.

Faanu mai ia Tepito te nei parau.

PAEAU PARAU NO TE HAU.

FAATOROA RAA.

No te faatia raa a tona hanahan, te Arii vahine o te mau fenua Totaiete, e te Tavana, te Auvaha o te Repupirita.

Ua faatoroa hia na taata i faaite hia na ioa i muri nei; oia hoi:

HAEREREAU, ei mutoi na te mataeinaa ra o Punaauia ei mono ia Tomaro, o tei faaorehia te toroa no te paruparu.

TITIA, ei mutoi no te mataeinaa ra o Punaauia, ei mono ia Areo, o tei faaore hia aenei te to oa no te haapao ore.

E auau te Tavana, te Auvaha o te Repupirita, na tei enei tau taata toroa, i na farane tai hoe hanere e piti ahuru i te matahiti hoe.

E papai hia te hohoa o tei enei parau toroa, i te hiopoa raa, e i te fare toroa no te ee.

Papeete, te 1 Fepuare 1853.

Te Arii vahine o te mau fenua Totaiete,

Te Tavana, te Auvaha o te Repupirita tel moe e.

Papahia: POMARE.

Te ruatira manua, Tavana tauturu,

Papahia: DEVEQUE.

Papahia te hohoa i te fare toroa o te ee,

Te ee o te Tavana,

Papahia: BRIOT.

Haava raa a te mau Toohitu.

Te Tavana e Page, te Auvaha o te Repupirita.

IA ORA NA.

Te faaite atu nei matou ia oe i te ohipa ta matou i rave i tei enei mahana 18 no Tenuare 1853, haava raa ia Upaino vahine no te pari ia Paroa i te iriti i te otia fenua, i te fenua oti i te Toohitu e ua faaere o Paroa, tei reira te hara i haava hia i Upaino vahine, ia hope i te faaroo hia e matou ta Upaino vahine parau, ua ui hia hoi Paroa, e ua imi hia e matou tana parau i faaite mai ia matou. Ite atura matou e ua hara mau tei enei taata o Paroa, ua imi matou i te ture XXVI e te irava 4, ua faautua roa hia tei enei taata i te utua hoe ahuru ma pae mahana i te rave raa i te ohipa na te hau, ua riro tei enei vahine Upaino vahine ei taata hara ore, ua ore roa tana utua i tei enei ture.

Te faaite atu nei matou ia oe i te ohipa ta matou i rave i tei enei mahana 19 no Tenuare 1853, oia o Tavi, na rave matou i tei enei ioa ua hopoi no Roinui vahine, no te mea, ua tiai matou

ia Maau vahine, ua papai matou i te parati e a ta oia i tae mai, ua imi matou i te ture XXXI e te irava 2, no te mea, ua tiai matou, e aita i tae mai, ua haava hia taua parau ra, ua oti aenei ia matou, ua ere roa tei enei vahine o Maau i tei enei ioa ia Tavi, ua oti roa ia matou i tei enei mahana.

Te faaite atu nei matou ia oe i te ohipa ta matou i rave i tei enei mahana 19 no Tenuare 1853, te haava raa ia Oopa, i te fenua i rave hia e ua Toohitu o tei tana hia i te ofai, e ua oti roa i te tana hia i te ofai, e ua iriti hia tei enei taata, te ofai tana hia e te Toohitu, ua ui hi tei enei taata e ua faaite mai i tana parau e ua hope i te faaroo hia e matou, i te atura hantou e ua hara mau tei enei taata i te iriti ofai. Ua haapao matou i te ture XXVI e te irava 4, te vai ra tana utua i nio i o iana hoe ahuru mahana e ma pae i te rave raa i te ohipa na te hau, ua oti roa ea matou i tei enei mahana.

Te faaite atu nei matou ia oe i te ohipa ta matou i rave i tei enei mahana 24 no Tenuare 1853, te moua ra Orosena o tei maro hia e Oouri o rana o Rauhiri, ua faaroo matou i to rana tau lupuna e ta rana toa mau parau, ua ui hia hoi te mau ite, e ia hope roa i te faaroo hia e matou te haapao hia; ua imi matou i te ture XXVI e te irava 2, na tapu hia e matou tei enei moua Orosena tahi pae na Oouri, e tahi pae na Rauhiri. Ua oti roa tei enei o ipa ia matou i tei enei mahana.

Te mau Toohitu:

Papahia: OTE, HAEREOTAHU, NOUNOU, tauturu.

TAAMU, peretiteni tauturu.

MARE, auvaha ture.

VANIA, papai parati.

PARAU FAAITE

Te faaite hia 'tu nei te mau tavana mataeinaa 'toa i Tahiti e Moorea, e e mea rahi roa te pahipatia ia e vai haere nei i roto i te ava i tei enei, e ua hinaaro paatoa ratou i te usi, te umara, e te mea. Mai te mea e, e maa te vai haere na i roto i te aua hau, e afai oioi mai ia e tiai, a ere hoi outou i te moni rahi e roaa mai no taua mau maa ra.

Te faaite atoa hia 'tu nei te mau haava i roto i te mau mataeinaa 'toa i Tahiti nei, e e faaite oioi mai ratou i te ioa o te mau taata 'toa i faautua hia i tei enei avae; e ia tae i te hopea o te avae

ra e faaue atu ia tatou i te mau mutoi, e e aratai mai i taua feia i faautua hia ra i Papeete nei.

Te eè o te Tavana,

Papaiaia : BRIOT,

Te parau no ALI BABA e na eia e maha ahuru.

tau hia mai no roto i te mau aamu Arabia, i parau hia e, o NA PŌ
FAUATINI E MA HOR.

Haamata hia i te Vea no te mahana 20 no Iunari 1852.

Parau atura te raatira o taua pupu eia ra i tonu meu taata; e homa : ua ite papu outou atoa na è. ua taparahi tatou i tehoe taata, ua eiaha hoi ta tatou moni; i teienei ra, e tamata maite tatou i te imi i taua taata i ra reira ra. E haere tehoe o tatou i roto i te oire, e e tamata maite i te imi q; aore aenei tehoe taata io ratou i tapupu hia; i na reira hia ra hoi, è mahere ia tatou i te faufaa hia, aore i itea ra, e ino roa ia tatou : i teienei ra, ia haere tehoe o tatou. e aore atura i itea iana, te binaaro nei au e te faautua hia tei reira taata i te utua pohe, eaha to outou na manao?

Tia maira fehoe taata efa i nia, e ua parau maira è, na tia roa ia'u tenana parau, a ore a manuia tou tere ra, ore noa' tu ia. E haamano iho ra outou e, e tamata vau i te mau ravea toa, e faufaa hia to'u nei tere.

Faahurue roa' tura taua eia ra iana iho, e aita roa' tura i itea noa hia e tona huru. Haere roa' tura oia i roto i te oire, e roohia' tura e aua, hoe noa iho fare e mahiti ra, maori ra, te fare o te taata au tiaa, tei au i te tino o Casima i pohe ra.

Te parahi noa ra taua taata au tiaa ra, o Ali Mntafa i nia i tona parahi ra i te pae fare. Parau atura te taata eia iana e : e hoa ino, eaha ra i maitai ai ta oe na rave raa ohipa, e taata ruau roa oe. Eaha ra i maitai ai ia oe ia rave i te ohipa i teienei poipoi, inaha, aita i ao rea.

Ua parau maira taua Ali Mntafa e : aita teie e ohipa, ahiri ra oe i ite ia'u i tetahi aenei mahana, i te au raa i te tino o tehoe taata pohe i tapupu hia, oi rahi roa ia to oe na maere,

Maururu roa' tura te eia i te faaroo raa i tei

reira parau; e ua parau atura oia i taua taata au tiaa ra e : e eaha, ua au oe i te tino o tehoe taata pohe, eaha ra ia mea hurue. o te aahu pahia i rapae au ae ta oe i au?

Parau maira te taata au tiaa e : aita, aita, te binaaro na oe ia ite i te huru o tau ohipa ta'u i rave ra, eita ra vau i faaite noa' tu.

Ei te Vea no te tapati i mua nei te toe.

Te mau pahi i tapae mai, mai te mahana 21 mai a no Tenuare.

Maoa ia marite *Georges V Washington*, tapena Edwards, mai Oahu mai.

Maoa ia marite *Coeper*, tapena Fisher, mai te patia raa ia mai.

Tira piti farani *Aorai*, tapena Lemaire, mai Paumotu mai.

Maoa ia marite *Tuscany*, tapena Halser, mai Oahu mai.

Tira toru heretane *Euphrasyne*, rapena Barras, mai Oahu.

Tira piti marite *Ameline*, tapena Grenne, mai Oahu mai.

Tira toru marite *Mary Merril*, tapena Kellum, mai Oahu mai.

Maoa ia marite *Tybee*, tapena Barber, mai Oahu mai.

Tira piti farani *Marie-Louise*, tapena Leguernne, Mai Raivavae mai.

Parau no te taata a GEORGES FISHER, tua no Papeete, o tei pohe aenei, e aore parau tuluu.

E haere oioi mai te mau ai tarahu, no taua GEORE FISHER ra, mai te afai atoa raa mai i ta outou tarahu : e e ai tarahu ta GEORGE FISHER no tetahi taata, e afai etaeta mai ta outou pepa tapao ia itea hua hia.

Te fare o te Tonitara Beretane.

Papeete, 18 Tenuare 1853.

Papaiaia : G. C. MILLER.

Tonitara no Te Arii no Bretane

Te eè no te Tavana : BLIOT.